



SAOPŠTENJE ZA JAVNOST

Potvrđena optužnica zbog Pronevjere

(Brčko, 17.09.2026. godine)

Osnovni sud Brčko distrikta BiH potvrdio je optužnicu protiv lica N. Š. (59)* iz Brčko distrikta BiH zbog osnovane sumnje da je izvršio krivično djelo "Pronevjere" prilikom obavljanja poslova direktora privrednog društva "Kvadar" d.o.o. Brčko.

Potvrđenom optužnicom, licu N. Š. (59)* na teret se stavlja da je u period od 2017. godine do maja 2024. godine, postupajući u svojstvu direktora privrednog društva „Kvadar“ d.o.o. Brčko, kao lice ovlašteno za zastupanje i osoba zadužena za prijem novca od naplate zakupa garaža i parkinga u objektu „Kvadar“, sukcesivno na mjesečnom nivou, uzimao novac i umjesto da isti preda na blagajnu privrednog društva, svjesno zadržao primljeni novac za sebe.

U toku istrage pribavljeno je dovoljno dokaza koji potvrđuju da je optuženi N. Š. (59)* na opisani način pribavio za sebe protivpravnu imovinsku korist, a istovremeno pričinio materijalnu štetu privrednom društvu „Kvadar“ d.o.o. Brčko u ukupnom novčanom iznosu od 52.712,00 KM.

U daljem toku postupka, Osnovni sud Brčko distrikta BiH zakazati će ročište za izjašnjenje o krivici optuženog lica.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova ili njena krivica.****

**VRŠILAC DUŽNOSTI
GLAVNOG TUŽIOCA**

VLADIMIR TEPAVČEVIĆ